

THU AWMTE

1.	Editorial	2
	<i>Sermon:</i>	
2.	Kalhleh leh Kalhleh K>ut	3
	<i>Ram chung Pastor-te:</i>	
3.	Rawngbawlna Report	10
	<i>Short Sermon:</i>	
4.	Thalaite mamawh Yeshua	20
	<i>Report:</i>	
5.	Rawngbawl Report	26
	<i>Article:</i>	
6.	Sakawlh Dan Bawhchhepa Nawhchizuar	28
	<i>Mission huang:</i>	
7.	Mission rawngbawlna	30
	<i>Sunna:</i>	
8.	Sunna	31

OCTOBER THLA CHANG VAWN:

Ka chawlnite serh ula, kei leh nangni inkara
 chhinchhiahna a ni ang a, LALPA in Pathian
 chu ka ni tih in hriat theihna a ni dawn nia,
 ka ti a.

Ezekiela 20:20



Editorial

Thla sarihna, Ethanim thla kan chuang kai a, hemi thla chhung hian Lalpan Ni pawimawh Inkhawmpui thianghlim a mite hman tura a lo ruat lawkte hlim takin kan hmang liam leh ta a, a lunglen thlak hle mai.

Lalpan a mite tan hunpui pawimawh a pek K<t hunpui bik pathum, heng: Kalhlen/Chhang dawidim telh loh K<t, Chawlhkar K<t leh Bawkte K<t te bakah Ni pawimawh, Tawtawrawt ni, Inremna ni leh Ni riat nite hi mihring siam chawp ni lo, Lalpan a mite hman tura a pek a ni. Heng nite hman nachang hriaa kan awm leh hmang theia kan awm hi kan vannei hle a ni.

Ethanim ni 22 Inkhawmpui Thianghlim, K<t tiak ni ropui tia kan sawi thin, a hnua Ni Hnuhnung Ropui tih leh tak pawh Bawkte k<t tiakna ni ang hiala kan lo hman thin kha a ni a. Tunah erawh zir chik miten a awmzia zir chianga an han belh chian tak tak takah chuan Bawkte K<t ni sarih awh hman zawh hnu a ni riat niah hunpui hmawr bawkna ni, ni hranpa liau liau a lo ruat hran dan hre thiam chho zelin, Ni riat ni Inkhawmpui Thianghlim kan hmang tlang thei ta.

Kut nite hi Pathianin mihring hman atana a duan a ni a, Bible-ah chiang takin a inziak a; mahse, hre chiang kan awm mang tlat lo. A inziak ve miah lo Kristiante hun pawimawh siam chawp chu kan hre bel hle thung si hi mawlhtu lian tak a awm chu a nih hmel a, Pathian ruatah kan ngai ta vek chu a nih hmel si a. A mak khawp mai.

KALHLEN LEH KALHLEN KUT*Deacon HC Lalzawmliana****Kalhlen Thumal awm zia:***

'Kalhlen' tih hi Hebrai chuan an ṭawngin "Pesach" an ti a, English-a an dah dan chu 'PASSOVER' tih a ni. A awmzia chu Zuah (to spare) emaw Venghim (to protect) a ni a, Hebrai ṭawnga 'Pesach' tih chu English-a lehlin a nih takah chuan a milpui, a awmze bo lo leh a grammar lam zawng pawh a dik leh an pawm tlan theih dan tur berin an let (Standard translation) ta a, 'Pass Over' tiin an dah ta a ni. Tin, a ṭhenah chuan "Skip" (Bawhkan, Kal Kan) 'Omit'(Hmaih, Kal kan,) 'Jump' (Zuan kahlen) Chu chu Mizo ṭawngin 'Kalhlen' tiin kan lo dah ta a nih chu.

Tin, Torah Greek ṭawnga lettu mi 70-te (the Septuagint (LXX)) an tihte khan he Hebrai Exodus 12:13 leh 27 a thumal Pesach) hi 'to Shelter' (hlauhawm laka venghim, emaw thil hlauhawm tak thleng thut laka hualhim) tiin an dah ve thung bawk a ni.

Kalhlen Awmzia:

Tichuan, Kalhlen (Pesah/

Pesach) Passover awm zia bera chu Pa Pathian (Yahweh)in Egypt (Aigupta) ram; hremna chi hrang hrang sawm hmangin a hrem a, chu ta a hnuhning ber Fatir (First Born) mihring leh ran a tihhlum dawn zana a mi Israel-te chu hremnaa an tel ve lohna tur leh zuah (spare), venghim/hualhim (Protect), kalhlen (Pass over) an nihna kha a ni. Thisen

chhuak avanga thihna laka zuah leh chhanhim, kal k[^]n an nihna kha Kalhlen chu a ni tiin kan sawi thei bawk. Tin, Kalhlen hi Chag he-Aviv-Thal Kut tih te, Chag ha-Matzoth (Festival of Matzoh –Unleavened) Dawidim tel lo kut tih te leh Zeman Herutenu-Kan Zalenna hun (Time of our freedom) tiin an sawi bawk thin.

A nih leh chu Kalhlen chu engtik ni leh kumab chiah nge a thlen?

Kalhlen hmasa ber Thlen Ni: Kalhlen hmasa ber hi Bible-ah chuan Exodus 12:6-ah kan hmu a “chumi thla (Abib) ni sawm leh ni li thlengin in dah hrang anga. Tichuan, Israel mipui pungkawmho zawng zawngin tlai lamah an talh tur a ni. (Shall kill it at twilight)” tiin kan hmu a ni. A kum chu 2448 AM (Anna Mundi) or 1313 BC kha a

ni. Tihian sawi fiah ta ila, Kalhlen hmasa ber thlen ni chu Nisan 14, 2448AM a ni a, chu chu BC 1313 kum kha a ni. Tichuan Nisan 10 kha thil mak a thlen ni a ni a, tin Kalhlen beram tur an dah hran ni a ni. Chu Nisan/Abib Ni 10 chu Sabbath ni a ni a. Hebrai chuan Sabbath Hagadol (The great Sabbath) tih a ni a, Mizo tawng chuan Sabbath Ropui tihna a nih chu. Tichuan chu Nisan 10 chu Sabbath a nih chuan, chhiar chho ta ila, Ni 11-Sunday, 12-Monday, 13-Tuesday, 14-Wednesday, 15-Thrusday. Tichuan Kalhlen hmasa ber pawh kha Abib/ Nisan 14 Nilainiah a thleng tihna a nih chu.

Kalhlen Beram chu engtikab chiah nge talh a nih thin?

1. Exodus 12:6-ah kan hmu a “chumi thla (Abib) ni sawm leh ni li thlengin

in dahṭha ang a. Tichuan Israel mipui pungkawmho zawng zawngin tlai lamah an talh tur a ni. (Shall kill it at twilight,)" tiin kan hmu a ni,

2. Numbers 9, 'Israel faten a hunbi takah Kalhlen hi hmang rawh se: Tun thla ni sawm leh palina, tlai lamah a hun takah in hmang tur a ni. chumi atana serh leh sang dan pawh in zawm vek tur a ni,' a ti a. Chutiang chuan Mosia chuan Israel fate chu Kahlen hmang turin a hrilh a."

3. Israel fate chuan Gilgal-ah awmhmun an khuar a. chumi thla ni sawm leh ni li ni chuan Jeriko phaizawlah kalhlen an hmang.

4. Chronicles 2, 35:1-19 "Josia chuan Jerusalem-ah LALPA tan Kalhlen a hmang a, Thla khatna, ni 14 niin Kalhlen beramno an talh a."

Heng Bible bung leh

chang aṅanga kan hmuh dan chuan Kalhlen Beram an talh ni chu Thla khatna Abib/Nisan 14 tlai lamah an talh thin. Kan Bible-ah hian Ni 14 inṭan dawn, ni 13 tlaiah in talh ang tihna hmuh mai tur avang hle. English Bible en leh ila, Exodus: 12:6 Now you shall keep it until the fourteenth day of the same month. Then the whole assembly of the congregation of Israel shall kill it at twilight.

A nih leh Abib ni 14 tlai lam tih hi eng nge a awmzia leh pawimawhna em em? Abib ni 14 tlai lam tih hi, thenkhat chuan ni 13 tlai, ni 14 inṭan dawn tiin an sawi a, chu erawh chu a dik lo a ni. A bikin English Bible en hian a dik loh zia a tichiang zual hle mai, ti hian kan hmu "you shall keep it until the fourteenth day" Until tih hi a pawimawh ta hle a, Sapin until

an tih chu ti hian a sawifiah a — (All the time between now and the end of something) chu mi awm zia chu thlengin, a chhungkhung tihna a ni, entirna siam ta ila, the Shop will open Monday - Fri day kan tih chuan Zirtawp ni thleng rakin, a zawh thlengin tihna a ni. Chuvangin Abib ni 14 kan tih hian ni 14 tlai lam thleng, ni 15 thlen hma zawng tihna a ni a, a nih chuan Beram chu ni 14 thleng dah ula, tlai lamah in talh ang tih a ni ta, English Version-ah pheh chuan “Now you shall keep it until the fourteenth day of the same month. Then the whole assembly of the congregation of Israel shall kill it at twilight.” Tlai tih hi Twilight tiin a dah a, a Hebrew chuan ‘ben ha arbayim’ an ti a. Between the two evening (Tlai pahnih inkar) tihna a ni. Chu chu tlai lam tawilight a tih a chu a ni. Chu ni 14

tlai pahnih inkar chu 3-6pm inkar tihna vela nih chu, chutah ngei chuan kahlen beram chu talh a ni thin.

A pawimawbna:

Yeshua thihna nena inzawm tlat a nih avangin, kan kahlen beram a rawn nihna tifiyah, tidiktu a nih avangin. Tin, Messia thih hun dik tak leh Yahweh thu a rawn dai dik thlapna a nih avangin a pawimawh hle, Kalhhlen beram talh hmaa kan ei chuan Messia chu kan tan a thi lo tihna a ni ang, beram kha talh a nih hnu, hemhmin a nih hnuah chauh a nih kha an ei. Kalhlen k<t, ni sarh awch chhiar chhohna atan leh Pentecost chhiarna atana inzawm tlat a nih avangin, LALPA Kalhlen beram talh ni a dik loh vaih chuan LALPA Zanriah dik tak kan ei thei lo. A thawh leh ni pawh a dik thei dawn lo a

ni. Chuvangin, Abib ni 14 kalhlen beram talh ni emaw, Kalhlen ni hi a sual thiang lova, a hun lova talh a thiang hek lo, LALPA Hun ruat leh bituk sa (Appointed times, Hebraic moedim (Pawisak lohna leh suan sawnna a ni a, chu chu Dan thua belhchhah tihna a ni a, LALPA pawisawina lian tak a ni. Ni 13 zanah Abib ni 14 inthan hunah Kalhlen beram hi talh ni ta se, K<t ni sarikh awh tih hi a dik thei angem? Kalhlen beram chheh hran ni Abib 10 Kalhlen Behram hi ni 14 inthan zana an ei chuan ni 13 tlaiah beram an talh tihna a ni. Chuti a nih chuan Kalhlen Beram chhehran-Abib Ni 10, 11, 12, 13 hi Beram talh ni a nih chuan, 14 hi Kut a nih a ngai ang, 15,16,17,18,19,20-ah kut a tawp dawn tihna a nih chu; mahse, Bible chuan ni 14 tlai lamah in talh ang, ni 15 K<t Sabbath, 16,17,18,19, 20, 21 thleng

tiin min hrilh si a. Chuvangin, ni 13 zan emaw, ni 14 inthan dawn ruaia LALPA zanriah kil hi chu logic tak pawhin a dik thei ta lo a ni. Ni 13 inthan zan emaw, ni 14 inthan zana an ei vaih chuan kut khan ni 21 thleng a awh tih an pawm tho bawk chuan Kalhlen K<t kha ni sarikh ni lovin ni riat an awhtir dawn tihna a ni. Tin, sawm pathum ral zan, 14 inthan zana an kil vaih chuan sawm pali chu K<ta an pawm a ngai ang, Bible chuan, 'a tuk chu Chawlhni ropui, K<t a ni si a,' a ti tlat, Kalhlen leh K<t hi indawh zawm tlat a ni.

***Messiah leh a zirtirten
Zanriah an kil kba LALPA
KALHLEN CHAW/
ZANRIAH a ni chiah em?***

Matthaia, Marka, Luka leh Johan-a te ziaik Synoptic Gospel an tihte hian Zanriah hnuhnung

Yeshuan a zirtirte a kilpui kha an ziah dan inang lo hret hret a awm a, chuvangin mi tam takin man tira a awm dawn zana a zirtirte zanriah hnuhnung a kilpui kha Passover LALPA zanriah kil hunah ngai tam tak awmin, chumidung thul chuan sacrament an kil ta thin a ni. Mahse, chu chu a dik reng em, tih leh Passover-Kalhlen ruai a ni chiah em, LALPA zanriah kil hun tur a ni chiah em tih kan enho dawn a ni.

Yeshua hova Zanriah an kil kha Passover Meal (Kalhlen chaw) tak tak ni ta se, enga ti nge Kalhlen Beram talh hun ang ni lovah an kil a, an ei? Tin, Kalhlen chaw ni ta se enga ti nge Jews-hoin kalhlen chaw an ei a, a indawt dan Sedar (order) ang thlap a nih loh, Thuthlung thar a la ni hman si lo va? Heng Beram sa, Marror (Bitter

Herb) hnim hnah kha, Maggid (retelling of story) Exodus-a hruai chhuah an nih dan thawnthu sawi lehna te, chuvangin, LALPA Zanriah a ni thei lo a ni.

Tin, Lalpa Zanriah Passover ni dawn ta se, Yeshua khan chhang dawidim telh loh a hmang ngei ang, a chhang phel kha Greek tawng chuan Artos tih a ni a, chhang satliah, general bread emaw, chaw pangngai tihna a nih chu. Dawidim tel a ni ang a tih theih. Kalhhlen chawah chuan chhang kha Dawidim tel lo, Greek in Azumos a ni, Sap tawngin unleavened bread tih a ni thung; chuvangin, Kalhlen chaw a ni thei lo kan ti thei baw k ang. Tin, Zanriah an ei kha Kalhhlen hma zan, a thih hma zan tihna a nih chu, amah kha kan kalhlen beram tur a ni a, engtin nge Kalhlen Beram kan nunna

atana Yahweh ruat kha amah leh amah a inei ang, tin, a zirtir te pawhin engtin nge an ei theih ang? Torah dan kalh a ni dawn si a, Torah chuan Kalhlen Beram ni 14 tlai lamah an talh a, an ei meuh chuan Kalhlen K<t, Abib ni 15 a lo in̄tan tawh a nih kha. Tirkoh Paulan chu chu hmu chiangin “Kan kalhlenna tur pawh an talh tawh si a, Messia ngei chu; chuvangin, i k<t ang u,” a ti ta a nih chiah kha le. Chuvangin Johan 18:28-ah tihian kan hmu ta chiah a, “Yeshua chu Kaiapha in ātang chuan lal in tual zawl Praitorium-ah an hruai a, zing tak a la ni a, anniho erawh chu Praitorium-ah chuan an lut ve lo, lut ta se an bawhlawh anga, Kalhlen chaw an ei thiang dawn si lova,” tiin a rawn ziak ta chat reng a ni. Jewsho khan Kalhlen chaw an la kil hauh hma kha chuan Yeshua leh a zirtirte khan

Kalhlen chaw an ei thiang lo hrim hrim, Juda mi vek, Torah hre chiang em em an ni si a! Chuvangin, Yeshuan zanriah hnuhnung a eipui kha chu LALPA zanriah a ni thei lova, a ei hun pawh a la ni lo tihna a nih chu.

Tin, LALPA Zanriah ni dawn ta se, Juda Iskariota, zanriah an kilna ātanga a chhuah khan, zirtir dangte khan k<t atana thil lei tura chhuakah an ngai a nih kha, chuvangin, Zanriah hnuhnung kha Passover or Kalhlen chaw ni dawn ta se, an ei zan kha High Sabbath, Chhang dawidim telh loh K<t a in̄tan tawh si anga, Chawlhni Sabbath tho a ni dawn a, chawlh a ni tawh ang, Dawr zawng zawng a inkhar tawh dawn a, thil leina tur a awm thei tawh lo vang. Chuvangin, thil lei tura a la chhuak thei a nih chuan Kalhhlen chaw a ni lo tihna a ni.

RAMCHHUNG PASTOR-TE RAWNGBAWLNA REPORT

— Elder David L. Hmar, General Secretary



Pastor
ST John Beingachhie



Pastor
C. Liansanga



Pastor
H. Lalfakzuala



Pastor
Robert Malsawmsanga



Pro. Pastor
B. Laimang



Pro. Pastor
Lalramdinmawia

Pastor Johna Rawngbawlna (Sept. 2023)

Ni 9/9/2023 Sabbath khan Mamit Circle Hqr. Mamit Local Church hmunah Bialtu tur Pro Pastor B. Laimang chu dah nghehna hunserh a hmang. Circle Chairman Elder. Lalbiakthanga Pachuau-in a kaihhruai. Circle Secretary, Deacon Tv. Samuel Lalrinmawia'n Pro Pastor Chanchin tawi a chhiar chhuak. Pastor ST John Beingachhie chuan, indah nghehna leh hriak thih tawng-taina hun a hmang.

Zan lamah inkhawmna hlimawm tak Elder. Lalbiakthanga Pachuau In hnuaiah an hmang thin. Pro Pastor B.

Laimang, Mamit Circle bialtu thar dawnawmna program-ah hian Aizawl Local nuho, Pi F. Lalthuami, Pi Semkili, Pi JH Thangi, Pi Della Mathangi Fanai leh Pi Vanlalpari ten an zuk hmanpui a, Kohhran in tlawh chhuak vek hman lo mah se, an theih ang ang an tlawh kual a, inkhawmna program-a hun an hman tam avangin, an leng chhuak kim hman ta lo a ni. Circle Chairman leh Pastor St. John Beingachhie hovin chhun zanin, an cham chung hian Pathian thua inkawmhona leh sharing te an nei a, a hlawk thlak an ti hle.

Ni 16/9/2023, 1 Ethanim, 5784 AM chu Khatla Aizawl

Local Church-ah a inkhawmpui a, Hemi Ni hian Inkhawmban-ah Tv. C. Malsawmtluanga s/o Pu C. Lalrotlinga, Mission Vengthlang chu Lalpa Yeshua Messia thihna leh thawhleha ṭawmpui turin Baptisma a chantir.

Vanduai thlak takin a bial chhung, Vairengte-ah Pu Laltharzela S/o Elder HK. Pazawna, Vairengte ni 20 Sept. 2023 Nilai zan khan a boral avangin vui turin a tuk 21/9/2023, zing dar 6-ah Aizawl aṭangin Elder. David L. Hmar, General Secretary leh Deacon C.Lalrinmawia tenen an chhuak a, Serkhanah Aizawl Circle Chairman, Deacon. Lalmuanpuia an sawm thla a, Kawnpui leh Vairengte inkar kawng a chhiat em avangin 11.30 Am-ah Vairengte an thleng thei hram.

Rei pawh hahchawl hman lovin, Dar 12-ah Vuina hunserh a hmang. Thlan lamah Deacon Lalmuanpuia'n thlahna hun a hmang ve bawk. Vui

zawhah in lamah inkawmna hun an hmang leh a, Kan General Secretary, Elder David L. Hmar chuan, Khawmpui kal te hi kan tih ngai loh chuan kohhran kalphung leh ningkhawngte hriat a har a, Khawmpui kal hi uar ve ṭhin tawh ula, Vairengteah hian kohhran a dinna a rei tawh a, Vairengte hi a upa pawl tak in ni tawh.

Local Church a chak theihna tur chuan Bial inkhawmpuite hi kal ṭhin ila, rorelnaah te hian tel ṭhin ila, kan beng a lo var ang a, kohhrana kan tih tur leh mawhphurhna kan hre thei dawn a ni, hetianga in awm chawrh chawrh chuan, nangmahniah ṭhan lenna in hmu thei lovang.

Kan hma lawkah Bial khawmpui Aizawl Zuangtuiah kan nei dawn a, rawn kal ve ngei in tum dawn nia tiin fuihna thu a sawi a, chumi hnuah Pu. Rinpuia te tlawh kualin ṭawngṭaina kan GS-in

a hmang leh a, tlaiah an haw chhoh san leh ta a ni. Bialtu Pastor erawh chu Serkhanah Chawlhni leh Inremna Ni hmanpui turin a chambang ta a ni. Zan lamah inkhawmna hun tha tak an nei thei bawk. Chhunah vawi hnih zel hun an hmang thin. Ni 30/9/2023, 15 Ethanim, 5784 AM Bawkte Kut chu Lungdai kohhranhote a hmanpui.

Pastor H. Lalfakzuala September thla rawngbawlna report

3rd Sept. 2023 Sunday khan Pi H Sangpari, Treasurer Church of God (Seventh Day) Mizoram Conference nen kohhranhote tlawhin Zotlangah an leng kual a, tlai lamah PKHP leh PKTP Champhai Circle leh Branch sum a Audit fel sak.

6th-18th Sept.2023 khan Pro Pastor Lalramdinmawia, Chawngte Circle enkawl tura induction neihna leh MPKTP Executive meeting Lungleia neihnaah a zin chhuak. Pro

Pastor lakluhna programme-ah hian Sabbath intan zanah sermon hun a hmang a, “Thuawihna” tih hmangin Pathian thuchah a sawi. Tin, Sabbath tlai lamah Elder Lalranpuia te Hotel thar hawna leh Pathian hnena hlanna hun a hmang. Pro Pastor Lalramdinmawia pualin Elder Lalranpuia te chungkuain kohhranhote tan ruai an buatsaih chu tlai leh puar takin an kilho a ni.

Chawngtea a cham chungin Pro Pastor Lalramdinmawia nen Kohhran in zawng zawng tlawhin an leng bawk. MPKTP Executive meeting-ah a tel avangin LALPA inkhawmpui thiang-hlim, Tawtawrawt Ni chu Lunglei Local-ah a hmang a. 17th Sept.2023 intan zan atangin a ral zan thlengin meeting an nei. 23th Sept. 2023 Sabbath chu Champhai Local kohhranah hun a hmang a, inkhawm banah heng mite hi Lalpa Yeshua Messia hmingin baptisma a chantir:

- | | |
|---------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------|
| <p>1) David Lalhruaizela
S/o Lalngaihzuala</p> <p>2) Jessy Lalramhmachhuana
S/o Lalngaihzuala</p> <p>3) H.Lalnunhlui
D/o Pastor H.Lalfakzuala</p> | <p>Bawkte Kut pawimawhna leh Lal Yeshua chenchilhthe tan a hlimawm zia thu leh chawhnuah chuan Bawkte kutah Lal Yeshua a lo pian dan chanchin a sawi a ni. Tin, Kut ruai pawh puar takin an kilho bawk.</p> |
|---------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------|

Ethanim ni 10, Inremna Ni kha, an nupain Mualkawi Local kohhranah an hmanpui a, kohhranhote an tam loh avangin an khua a har thin a, an lawm thiam hle a ni. Pathianin Inremna min siamsak avanga Pathian kan hmangaih let bakah kohhranhote inrem taka awm a pawimawh zia a sawi. 29th Sept.2023 khan an nupain Khuangleng Local kohhranah Bawkte Kût hmang turin an kal a. Ruahmanna an lo siam lawk tawh angin Pu Chhanchhuaha te nupa Buang te pawh Kut hmangin an kal ve bawk a, hlim leh nuam takin Khuanglengah Bawkte Kut an hmang ho a ni.

1st Oct.2023 khan Khuangleng kohhran hruaitute:- Elder C.Sangluta, Elder Vanlalhuma, Deacon Hranglianmawia leh Deacon Zodinsanga te nen Sazep Biak in sak mek enpuiin langin an kal a, biak in pawh a ban leh a beam an zo ve tep tawh a ni. Tin, Bawkte kutah hian Champhai Local chuan Zotlang Pathian Kohhrante Kut hmangho turin an sawm a, Zotlang lam kohhrante pawh an tel thin kut hlimawm tak an hmangho a, an lawm hle. Tin, kut ruai pawh tlai leh puar takin an kilho bawk a ni.

Bawkte kut ni hian chawhma leh chawhnuah inkhawmna an nei a, chawhma lamah

Pas. Roberta September 2023 Rawngbawlna Report
September 2 (Sabbath):
Lunglei Local-ah hun hmangin

Sabbath sikulah zirtir hna a thawk a, inkhawm banah MPKTP Executive meeting thlen dan tur ngaihtuahin Local Board meeting a neihpui bawk a ni.

September 9 (Sabbath): General Secretary-in tih tur a hrilh angin Chawngteah Pro Pastor dah ngheh inkhawm nei turin September 7 (Thursday) zingah Lunglei a chhuahsan a, Luinglei – Chawngte kawng hi a chhiat em avangin Lawngtlai lamah sumo-in an tlan a, zan lai dar 12-ah Chawngte a thleng a ni. Circle puipate nena ruahmanna an siam angin September 9 (Sabbath)-ah Pro Pastor Lalramdinmawia chu Chawngte Circle enkawl turin dah nghehna inkhawm an nei a. He inkhawm hi Pastor Robert Malsawmsanga hian kai-hruaiin, dah nghehna pawh Mizoram Conference aiawhin a nei a ni.

Circle puipate leh Circle Executive member-te he

hunah hian an kal kim hle a, bial pawn ațangin Pastor H. Lalfakzuala, Champhai leh Elder Isaac Hnamte, Aizawl Zuangtui ten an hmanpui bawk a, tin, PCI leh LIKKB Pastor Chawngte (P) leh Chawngte (L)-a awmte pawhin an lo inkhawmpui bawk a ni. Sabbath ințan zan ațangin Pathian biak inkhawm neih a ni a, Pastor H. Lalfakzuala'n Pathian thu sawina a nei a, a tuk Sabbath chawhnu inkhawmah Elder Isaac Hnamte-in a sawi ve leh a, Sabbath ral zanah Pastor Robert Malsawmsanga'n a sawi ve thung a ni.

September 10 (Sunday): Zing karah Chawngte Circle Executive meeting-ah sawm a nih angin a telpui ve leh a, Chawngte Circle Golden Jubilee lawm dan tur chungchang leh bial hmasawna tur thil pawimawh tak takte rel a ni. Zan lamah inkhawmna neih leh a ni a, he hunah hian Pastor Robert Malsawmsanga thlahna hun neih a ni. Pro Pas-

tor Lalramdinmawia'n in-khawm a kaihruai a, Elder Lalnunzira, Mualbu (L)-in thlahna leh lawmthu sawina a nei a, Pastor Robert Malsawmsanga'n thlahna thuchah a sawi bawk. Kohhranpui (Circle), Circle PKHP leh Circle PKTP atangte inngaih-hruina pek a ni.

September 15-17: MPKTP Executive meeting vawi 41-na chu Lunglei Local ten an thleng a, khual atangin mi 17 an lo kal a ni. Bialtu Pastor pawh adviser a nih angin leh committee peng hrang hranga a nih nate avangin he meeting-ah hian a tel ve a. September 16 (Sabbath) ral zan atangin rorel tan a ni a, September 17 (Sunday) ral zanah tluang taka rorel zawh a ni. 2 September 18 (Monday): Media Cell hmalaknain, kohhran YouTube channel-a dah tur video recording tih a ni a, Pastor C Liansanga, Chhimtuipui District leh Pro Pastor Lalramdinmawia, Chawngte Circle leh Pastor Robert Malsawmsanga

ten hun an hmang a ni.

September 25 (Inremlehna Ni): LALPA Inkhawmpui Thianghlim – Inremlehna Ni chu Lungleiah hmangin, a in tan zan leh zing inkhawmah Pathian thuchah puan chhuahna a nei a. Ni lenga Pathian thua inkawmna leh zaihona hun neih a ni a, ni tlak hnuin zanriah kohhranhoten an kilho a ni. September 29 (Friday): Zing dar 6 khan kan rawngbawlpui Deacon R Lal tan puia, kum 2021 atanga cancer natna tuar chuan Lunglei Civil Hospital-ah thawhlehna hmasa nghakin min muthilhsan ta a ni. Dar 1 PM-ah vuina inkhawm hman a ni a, in lamah Pastor HC Zosanga'n hun a hmang a, thlan lamah Bialtu Pastor-in tan wng taina a hmang thung a ni.

Elder K Rinsanga, Leite leh Elder H Zosailova, Sekhum te pawh vuina hun hmang tur hian an kal. A tuk Bawkte Kut pawh Biak Inah inkhawmna

hmang lovin thlan nghahnaah hun an hmang a, hunserh hi Bialtu Pastor-in hmangin, “Pathian bawkte mihring zinga lo cheng hlen tur – Ringtute nghahfak” tih thupui hmangin thusawina a nei a ni. Kohhranhote pawh an kal tha viau e.

Pro Pas. B. Laimang Report (September 2023)

September 8, 2023 khan Aizawl chhuahsanin Pastor ST John Beingachhi leh Aizawl Local nu thenkhat (Pi F. Lalthuami, Pi JH Thangi, Pi Semkili, Pi Della Mathangi leh Pi Vanlalpari)-te nen Pu David Lalzarmawia Sumo-in Mamit lamah an kal a. Tluang takin Mamit chu 10:20 AM-ah an thleng a, Kohhranho paw'n an lo welcome tha hle. A nupui, Pi Vanlalpari chu Pi Israel Lalchharliani te Inah a thleng a, midang chu Elder Lalbiak-thanga Pachuau te Inah an thleng. An thlen zanah hian Inkhawmna an nei a. Sharing hun atan an hmang a ni.

A tuk Sabbath ni Chawhma inkhawmah Pastor ST John Beingachhi-a'n Mamit bialtu atana dah nghehna a nei a. Chawhnu Inkhawmah Pathian Thuchah sawina hun Bialtu Pastor thar hian a nei nghal a. Zan lamah Nuho puala inkhawmna buatsaih a ni. Pi F. Lalthuami (Aizawl)-in thu sawina a nei a. September 10, 2023 (Sunday)-ah chuan, inkhawmna (mikhual pualin) an nei leh a. Chutah chuan sharing hun hawn leh a ni a. Hlim taka hun hman a ni.

Zan lamah inkhawmna an nei leh a, chutah chuan Pastor ST John Beingachhi-a'n Pathian thuchah a sawi a. September 16, 2023 (Sabbath) — Tawtawrawt Ni, Mamit-ah a hmang a. Sabbath inñan zanah Pathian Thu sawina hun a hmang. A tukah inkhawmna an nei leh a. Hlim takin sawhchiar an pir ho va, tisa leh thlarauvah puar chungin, Tawtawrawtte Ni an hmang ho a ni.

September 23, 2023 (Sabbath) —Mamit-ah a hmang leh a, hemi ni hian NI Vanlalchungnungi, d/o P. Zoramthanga (L) Mamit chu Kohhran member-a lakluhna a nei. Chawhnu inkhawm banah Biak In kawtah baptisma chantirna hunserh an hmang nghal bawk. Kohhranhoten an tawiawm tha a, a lawmawm hle a ni.

September 25, 2023 (Monday) : Inremlehna Ni Mamit-ah tho a la hmang a, Chawhma inkhawmah sermon hun a nei a, ‘Khawngaihna Lalthutphah’ tih thupuia hmangin, Pathian thuchah a sawi. Mamit a cham chhung hian hun awl chuhin Kohhranhote a kan kual thin a ni. September 28, 2023 (Thursday) chhun dar 12:00 PM-ah LAD Conference Hall, Mamit-ah Tv. Rochanmawia, s/o Lalawmpuia Chawhte leh NI. Vanlalchungnungi, d/o P. Zoramthanga (L)-te Inneih kut insuihtirna a nei.

Pathian awmpuina avangin hun pawh tluang takin an hmang e. Inneih chhimtu/lawmpuitute pawh an thahnem hle. Chhungkhat-laina leh thenrual hnaivaite tan – Ruai, Pu Lalawmpuia Chawhte te chhungkuain an fate pualin an buatsaih pawh hlim takin an kilho.

September 29, 2023 (Friday)-ah —Phaizau lamah Kohhranho tlawhin a kal a. Pi Nunnemi, w/o Elder Huanmawi (L)-te inah a innghat a. Phaizau-ah Bawkte Kut (Sabbath) a hmang a. Member 4 an lo inkhawm thei, amah nen mi 5 an ni. Pathian Thu sawina hun a nei a. Zai erawh, an nei thei lo. Inkhawm banah inkawmhona Pi Nunnemi te inah an nei a. Thingpui te an inho va, an hlim ve viau.

Tlai lamah Kohhrante tlawhchhuahna hun a nei a. Pi Nunnemi’n a kaihruai a. October 1, 2023 (Sunday)-ah Mamit lamah a haw leh ta a ni. Mamit-ah hian Pi Israel

Lalchharliani, w/o B. Biakmanga (a nu leh pa te) te inah a khawsa rih a; anni'n kawng engkimah an chhawmdawlin – a mamawhte an lo pe zel a, a lawm hle a ni. Elder-te leh Deacon-te pawhin an ṭawiawm ṭha em em bawk a, a lawmawm takzet a ni.

Pro Pastor Lalramdinmawia Report:

August 1, 2023-ah Pro Pastor Joining Report a pe a. Pastor HC. Zosanga leh Pastor ST. John-a te kaihhruaina hnuaiah August thla chungin Pastoral Training a nei nghal a. Training-naah hian Kohhran Thurin leh Zirtirna hrang hrang te, serh leh sâng thiltea kan tih dan zirna te, Kohhran Constitution chhiar chhuah leh sawiho te, Aizawl Kohhran chungkua kanna te a nei a ni. August thlaah khan Chawlhkar Sabbath awmah, Zuangtui Kohhran, Zarkawt Kohhran leh Khatla Kohhranah te Pathian Thuchah puanna a nei bawk.

Training kar lakah, MPKTP Revision Committee Member ṭhutkhawm vawi thum a neihpui hman a. Media Cell Department-a, a rawngbawlpuite nen Kohhran Official Website an buaipui chu an thawk zo ṭep tawh bawk. September 1, 2023 khan Training kharna inkhawm an neihsak a. Hemi ni hian Mizoram Conference Former Chairman Elder Dr. GL. Hnamtein SDA nena kan danglamna leh Pastor te hriat tur fuihna thu a hrih a. ṭawngṭaina leh mal-sawmnain a thlah ve bawk.

September 2, 2023, Sabbath khan Elder David L. Hmara te chungkuain a ṭhutna tur Chawngte Bial lama a haw tawh dawn avangin inthlahna mawi hnai tak an buatsaihsak a. Hetah hian, mi engemaw zat sawmin, zanriah tui tak leh Programme phuisui tak an neihsak a ni.

September 9-ah, Chawngte ah, Pro Pastor dah ngheh inkhawm neih a ni a. Aizawl

aṭangin Elder Isaac Hnamte, Champhai aṭangin Pastor H. Lalfakzuala leh Chawngte Presbyterian Pastor ten an lo telpui a. Hun changtlung tak an hmanpui a ni. Ethanim 1, Tawtawrawt Ni denchhenin, MPKTP Executive Meeting vawi 41-na chu Lungleiah nghah a nih avangin, Member a nihna angin a inlan a; hemi rual hian Media Cell Department buatsaih, Kohhran Thurin sawihona hmanga Video buatsaihnaah a inlan leh a ni.

September 19-ah Chawngte ah a let leh a. Chawngte a cham lain, Local Board Meeting leh Local Board Executive Committee Meeting a neihpui a. Biak In ṭhiah hnatlangah a tel bawk a. September 21 (Sabbath) khan Pi Pianglei-semi in hnuai chu Biak In atan luah niin, hemi ni hian Biak In hlanna a nei a. Chawhnuah, Elder leh Deacon chinte pualin, Rawngbawltu Training Programme, Paper Present-in a hmanpui nghal a ni.

September 25, Ethanim 10,

Inremlehna Ni hi Chawngte (P)-ah hmangin Sermon leh Yom Kippur zirchianna hun a neihpui a. Chawhma inkhawm ban hnuah, Nilengin Elder Vanlalsiama te inah, zai-khawmna an nei thei a. Ni tlak hnuah Zanriah tui tak kohhranten an eiho a ni. September 27-ah Bial fan vawi khatna a nei ṭan nghal a. Hemi tlai lamah hian zanriah ei hmanin Mualbu L Kohhranho a tlawh hmasa ber a. Ni 27-28 zanah Elder leh Deacon Retreat a neihpui a. Local Committee Official Agenda atan thurawn te a pe a. LALPA Inkhawmpui Thianghlim zirchianna te, Yeshua baptisma zirchianna te, Kohhran Inkhawm kaihhruai dan te, Sum vawn dan te bakah Pathian thua zawhna an neih ang angte inchhanna hun an hmang a. A tawp zanah Kohhran Statistics kimchang lain, Kohhran Chanchin (History) an zirho a ni. Report a ziah lai mek hian, Bawkte Kut hmanpui tur leh ṭul dangte tihpui turin Bungtlang South a pan dawn mek a ni.

ṬHALAITE MAMAWH YESHUA

I Samuela 17:38,39 Johana 14:6

C. Lalthangkhuma

Tunlai khawvel han thlir ila, a bikin Ṭhalaite hi kan buai tawh em em mai a, khawvelin changkanna tam tak min rawn chhawp chhuahsak avangte pawh a ni mahna, duh leh it zawng kan ngah ta hle mai. Chung kan duh zawng leh kan it zawngte chu mamawh ta riaua inhirtna lian tak kan nei a, chumi nei thei tur chuan nasa takin kan bei ṭhin reng a ni. Kan nitin khawsaknaa thil ṭul aiin kan duh zawng leh it zawngte hian hmun a chang lian tawh zawk kan ti thei awm e.

Chuvangin, mamawh hlirin kan nun kan hmang a, rual awt reng rengin kan nun kan hmang a ni ber mai, mite neih theih ang neih theih loh hlauvin a thim a var pawh thlu lovin kan bei chu a ni ber awm e. Hetianga duh leh mamawh tam tak nei nia kan inhriat lai hian eng nge kan mamawh ber chu ni ta? Mobile phone, Bike, Car, thawmhnaw etc. em ni le? Chu kan mamawh nei tur chuan eng tiang chiahin nge kan thawh ve le?

1. Mihringten mamawh nia kan inhriatte:

Mihringtena kan duh ber leh kan zawn ber chu HLIMNA leh NAWM-SAKNA a ni kan ti thei awm e. (PKṬP emaw, ṭhianho emawa hun kan hman reng rengin a nawm leh nawm loh kan inzawt ṭhin, a nuam leh hlimawm lo turah chuan kan kal peih tak tak lo a ni e. Hei hian ṭhalaitena hlimna leh nawmna kan mamawhzia a tilang awm e.) Amaherawhchu, chu hlimna nei tur chuan kan zawn dan

erawh a inang lo. Thenkhatin zu leh sa leh ruih theih thil dang dangah hlimna tak tak a awm emaw tiin, chu lamah chuan thahnemngai takin kan tlan mek a, ruih lai chuan nuam pawh kan ti thei khawp mai. Eng emaw tih nikhua leh hunpui lo thlen chang apiang maia ruih loh chuan kim lo riaua hriatna kan nei a, mahni inchhungah ei tur duh apiang inthlahrung miah lova ei teuh ngam khan, eng emaw tih nikhua leh chaw eikhawm nikhuaah no 1 tal emaw in loh chuan kan ei ngam tlat lo.

Thenkhatin sum leh pai ngah hi hlimna tak tak emaw tiin chu lamah chuan thahnem kan ngai em em mai bawk a. Kan sorkara department hrang hrang han thlir ila, keini ang han hmuh ve phak leh han hriat ve phak maiah pawh hian sum leh pai dik lo taka hmanna a nasatzia kan hmuin kan hria a ni. Dik

taka tiha retheih ai chuan hlep rukna hmanga hausak kan duh ta. Chu chuan hlimna min pe emaw kan ti a, he khawvelah hian pawisa hi kan mamawh ber emaw kan ti a, mawi leh mawi lo pawh thlu lovin pawisa nei tur hian thahnem kan va ngai em! Min siamtu Pathian hian eng ang takin ngai ang maw? A ni lah tak a, pawisa hian thil a lo tithei em atin ni. Kan khawtlang nunah pawh hian nei nung deuh thusawi leh pa berh ve tak thusawiin kawngro a insut nasat hleihzia hi. Mi nei nung deuhin fiamthu an sawi chuan nuihzat thlak vak lo pawh ni se nuihsak a tul thin. An eiruk hmangin Inlian tak tak, Car nalh tak tak an nei a, zah ahnekin an la chapopui lehngal, zah chu khawi lamah hi a ni ringawt.

2. Pathian rin ngam kan mamawh:

I Samuela 17:38,39 kan chhiiarah khan, Davida'n Goliatha a beih khan an lal

Saula khan Davida kha ama ralthuam belin, dar lukum a khumtir a, awmphaw a haktir a, khandaih a paitir bawk a nih kha. Mahse, Davida chuan Lal Saula hnenah chuan, “Ka kalpui thei dawn hauh lo mai a, hetiang hian ka la tichhin ngai lo a ni,” a ti a. Tichuan, Davida chu a inhlip ta a nih kha. Helai thu hi ka rilruah a awm reng thin. Davida khan Goliatha bei tur khan khang ralthuam tha pui pui kha a mamawh lo, a rin Pathian a hre chiang em em a, Ani chuan a tanpui dawn a ni tih a ring tlat a ni. Kha lai hunah khan Lal Saula ralthuam chauh ni lo, a aia zangkhai zawk leh te zawk ralthuam dang inbel tur pawh a awm ngei a rinawm. A chhan chu Lal Saula kha palian tak a ni tih kan hre thei a. I Samuela 10:23-ah chuan, “Chutichuan an tlan a, an va hruai chhuak a; tin, mipui zinga a han din chuan mi zingah chuan a sang ber mai a, tu mah a koki khum

pawh an awm lo,” a ti a. Chuvangin, Davida khan Lal Saula ralthuam kha a hak tawh hmel loh hrim hrim a ni. Amaherawhchu, eng vangin nge Lal Saula hian ama ralthuam kher kher Davida kha a bel? Ngaihndan thenkhatah chuan, Lal Saula hian, Davida kha a zawh loh tur leh a chetpui theih loh tur tih a hriat reng ralthuam a bel tlat danah khan, Davida hian Goliatha hi hneh tak tak turin a duh lo emaw chu aw? a tih theih, chuti ni lo se, ama zawh tawh ralthuam bel tur tam tak a awm, tia ngai pawh an awm.

Heti zawnh hian han sawi dawn ila, keini pawh kan tana tha zawk tur nia lang thil tha tak tak hmanh hian kan hmelma pa Setana hian thuam min bel a, chu chu kan hrethiam lo fova, kan chauh phah a, kan zo lo a, kan chhiat phah thin a ni. Chuvangin, Kan rawng-bawlnaa kan mamawh loh

Setana min bel zawng zawng hi kan hlih ngam a tul a ni. David pawh khan engtin nge a tih kha. A... khawng min lo beih ve tak thutah invennan phaw tal te chu han keng ve reng reng teh ang emaw, Chemte tal te chu han pai ve reng reng ila pawh a ti chuang lo. A nihna ang angin Pathian rinchhan chungin a pen chhuak mai a, Israel Sipai zawng zawng tena an beih ngam loh Philistia pa lian chu a that ta mai a ni. Keini pawh han inthlir ila, Pathian rawng kan bawlnaah hian kan mamawh loh pui pui kan inbel hnem viau lo maw? Mite mit hmuha mawi duhna te, mite fak duhna te, tunlai tih dan leh a changkang zawk leh mite mit hmuha ZEI nih duhna te kan in bel thin. Chuvang chuan alawm kan rawng-bawl na hi a nun theih loh a, rah tha a chhuah thei loh thin. Kan nunah miten Lal Yeshua hmel an hmu lo thin a ni. Pathian ropuina atana

kan mamawh miah lohah hian kan inham buai lutuk ang tih a hlauhawm hle. Chuvangin, Davida'n Pathian rinchhan chung khawvel ralthuam a hlip ngam ang khan, keini pawhin Pathian ropuina dal theitu kan inbel zawng zawng hi i hlip ngam ila, tichuan keimahni hmangin miten Pathian thiltihtheihna leh ropuina an hmu thei dawn a ni.

3. Kan mamawh ber Pathian thil thlawn pek Yeshua:

Genesis 3:21-ah chuan, "Tin, LALPA Pathian chuan Adama tan leh a nupui tan chuan savun kawrfualte a siamsak a, a haktir ta a." tih kan hmu a. Adama leh Evi khan chhia leh tha hriatna thei rah an ei avangin Pathian thupek an bawh chhia a, chuvang chuan a chhia leh tha hriatna neiin Saruak an nih an inhria a, an saruakna khuh turin Theipui hnah an feng tih thu

kan hmu a ni. Ti hian ka ngaihtuah thin, Evi leh Adama khan saruak an nih an inhriat khan eng nge an mamawh ber? E khai... khawng saruak kan ni ta si a, zu han rui ila kan saruakna hi a zia deuh mahna emaw, chutiang khatiang chu han ti phawt ila an ti reng reng lo. Kha an saruakna khuh thei tur khan Theipui hnah an feng mai a ni. Thing hnah a zawng a, Theipui hnah kher kher, a dang pawh a awm lo emaw ni le? ti ten ka ngaihtuah thin a; mahse, an saruakna khuhtu tur kha an mamawh em a, an bul hnaia mi, an saruakna hliah thei tur awmchhun kha an hmang mai a nih a rinawm. Khatiang hnah thap lutuk thui pawh kalpui theih loh tur kha an hman a ngai a nia. Chu an mamawh chu hriain Pathianin an tan savun kawrfualte a siam sak a, a haktir a nih kha. Evi leh Adama hunlai daih atang tawh khan Pathianin mihringte mamawh puhruk-

na atan khan thisen meuh chhuakin an mamawh a pe a ni. Kha savun kawrfual nei tur khan Ran thisen a chhuah a ngai asin, tunge thisen chhuak lovin ransa atangin a vun chauh la chhuak thei ang. Chutiang chiah chuan Pathianin mihringte, chatuana hremna tawk mai tur, hrehawm taka chatuan nun hmang mai tur min hmangaih avangin, a hnen kan thlen theihna atan mamawh kan nei tih a hria a, chu kan nunna atana kan mamawh awm chhun Ama fapa mal neih chhun Lal Yeshua ngei chu thu mai ni lo, thisen chhuakin hrehawm tinreng tuarin minrawn pe a ni.

Aw le, ka thalaipui duh tak, he khawvel hausakna leh ropuinate chenin, khawvel nawmchenna tuipei zauvah hian liluh pap pap thin mah ila, Yeshua tel lo chuan hringnun hi a tuihal leh fo ang. Nulat tlangval nawmchennaah te, sum leh pai

duhamna leh kan mamawh ni-a kan hriat kawng hrang hrangah kan tlan mek reng a; mahse, heng zawng zawng hian kan mamawh ber min pe si lo, kan thlarau nun chhamdamna leh hlimna min pe thei an awm lo tih kan hriat ava tul em! Yeshua chu tuihal rehna chu a ni a, Amah ngei chu a ni 'Thalaite Mamawh' chu. Chu Yeshua chuan, "Tu pawh an hnena ka pek tur tui in apiang erawh chu kumkhuain an tui hal lovang." (Johana 4:14) a ti a ni. Yeshua kan neih loh chuan Amah kan mamawhna chuan kan nun a thing let fo ang. Amah ch[^]k a pantuten mamawh chhanna kim an hmu thin a ni. Kan mamawh Yeshua Messia hi zawn awl tak, hnai reng, kan thinlung kawngkhar kik rengtu a ni, kan va vannei em! A um a um leh zawn chiam ngai lo, kan inhawn phawt chuan lo lut nghal tura inpeih mamawh chhanna Yeshua kan nei hi

Lalpa hnenah lawmthu i sawi ang u.

A tawp berah chuan:

Pathianin kan mamawh a hria a, chu kan mamawh min pek Lal Yeshua chu thalaiten i pan mai ang u. A hnenah chauh hlimna leh lawmna tak tak a awm a. (Johana 17:3)-ah chuan, "Hei hi chatuana nunna a ni, nang Pathian tak chauh leh I tirh Yeshua Messia hriat hi," a ti a, Amah chauh hi Pa hnen kan thlen theihna kawng awmchhun a ni. "Keimaha kal lo chu tumah Pa hnen an thleng ngai lo," a tih kha. Chuvangin, zanina ka Thalaipui duh takte u, sim ngai kan nei a nih chuan sim ila, insiamthat ngai kan nei a nih chuan i insiamtha ang u. Kawng engkima kan **mamawh** dik tak Lal Yeshua hi i buaipui ber tawh zawk ang u.

Lalpa'n a thu malsawm rawh se. Amen.

RAWNGBAWINA REPORT

Pastor HC. Zoanga

Deacon R. Lal̄tanpuia (Vala) Lunglei chuan Cancer natnain a tl̄ak-buak a a la ṭawng theih laiin min rawn bia a, “*Pu Sang eng dinhmunah pawh ding ila, i mi vui ka beisei a nia,*” a tih avangin a chauh viau tawh hnuah Lungleiah chuan Dt 28.9.2023-ah ka thleng phei a, a t̄uk Dt 29.9.2023 zing dar 5:45-ah Deacon R. Lal̄tanpuia (Vala) chu a chatthla tih min hrilh veleh Pastor Robert Malsawmsanga nen Civil Hospital Lungleiah kan kal nghal a.

Ṭawngṭainate ka hman hnuin an in lamah kan kal a, ruang pawh a lo thleng nghal ve mai a, ruangte an dah fel hnuin Bialtu Pastor Robert Malsawmsanga’n ṭawngṭaina a hmang ve leh a, eng emaw chen kan ṭhut hnuin Pastor Robert Malsawmsanga nen chaw ei turin ka haw a, tukṭhuan ei khamah mitthi in lamah kan kal leh nghal a, vuina hunserh chu chawhnu dar khat tih a ni a.

Dar khat a rik hma deuhin ka ding a, Bible, Sam 116:15 leh Philippi 1:21 chhiarin thlamuan-na thuchah ka sawi a, thu ka sawi zawhin Deacon R. Lal̄tanpuia hla thlan, “**Khawvel hi bo mah se, Yeshua ka nei,**” tih hla nung takin kan sa hova, Malsawmnain hun tawp siam a ni. Pawnah thlalak puina neih zawh hnuin thlanmual panpui a ni a, thlanah Pastor Robert Malsawmsanga’n ṭawngṭainain a thlah liam a, ruang tlak zan hian Elder K. Rinsanga, Leitein hunserh a hmang.

Dt 30.9.2023 thlan nghahniah chuan khawhar inah kan leng a, Pastor Robert Malsawmsang’n hun serh a hmang a, K̄ut chanchinte a sawi. Zan lamah pawh khawhar inah kan leng leh a, Deacon Tlankima’n hun serh a hmang.

Dt 1.10.2023 chhun hunserh chu keiman ka hmang

ve a, Paradis thu ka sawi a, zan lamah kan leng leh hlawm a, Y.M.A ten tawp zan an ti a, hetah hian Bialtu Pastor in hunserh a hmang thung.

Lunglei ka cham chhung-in Kohhranhote ka tlawh kual hlawm a, Chhipphir Kohhranten Lungleiah ka awm tih an hriatin, Ni riat ni Inkhawmpui (Shemini Atzaret) hmanpui turin Lunglei aṅangin Chhipphir lamah ka kal a, a tûk Ethanin ni 22-ah chuan Biakinah kan inkhawm a, inkhawm kan kim thain zai pawh a nuam khawp mai, tlaiah ruai kan theh a, zan lam chu inkhawm lovin, Pathian thua inkawmhona neih an rawt a, Pathian thu an hriatthiam loh laite min zawt a, chutiang chuan hun kan hmang a, October 8, 2023 Sunday ni chuan Deacon Vanlalduata te inah kan inkawmho leh a, zan lamah chuan Pi Lamkungpuii (LKI), U.P.C aṅanga lo lut an Pa a lo la luh loh avangin ka leng a, Pathian Kohhran thurin a hriatthiam loh laite min zawt

a, kan inhrilhfiyah a, tichuan Dt 10.10.2023-ah Chhipphir aṅangin Aizawl lam pan in ka haw ta a ni.

Tlang hrang hranga kohhran unauten hlim taka Lalpa inkhawmpui thianghlim kan hman theih avangin Lalpa chu fakim awm rawh se. Amen.

Sakawlh, Dan Bawhchhepa, Nawhchizuar

chhonzawmna

hmuh lai khan ram la nei lo an ni. Roman Empire a tluk chhiat AD 350–476 chhung khan an lo piang chhuak ve lo — 1. England 2. Switzerland 3. France 4. Spain 5. Italy 6. Germany 7. Portugal 8. Vandal 9. Heruli 10. Ostrogoth te an lo chhuak ta.

AD 500 vel aṅang chuan Roman papacy = Pope thuneihna a lo thleng ta. Ani hian lal pathumte chu a rawn titlu ta. 1798-ah Pope chu hliamin a lo awm ta a; mahse, 1929-ah Italy PM-in Pope lalna chu a lo tichhuak leh ta thung. WCC te nen an thawkho ta. 1962 vel khan a inṅan chho ta a ni.

**SAKAWLH,
DAN BAWHCHHEPA,
NAWHCHIZUAR**

Elder Chhanpiala
Hnahthial

Heng hming pathumte hi Setana hnathawh, Pathian dona hnathawh chi hrang hrang a sawina hming a ni.

Sakawlh tih hi sorkarna lamaa Israelte leh Kohhran dodaltute sawina a ni a, Dan bawhchhepa tih hi Pathian dan tihdanglamna lam a kaw k a. Nawhchizuar tih hian Pathian thu lam leh milem biakna thil chawlhpaohlhna lam thil a kaw k baw k. Sawi kawp vek theih a ni baw k awm e.

Dan bawhchhepa: Hei hi Saturnia, Satun Khawpui Pathian thutak tluksanna Rom sawina. Saturn hi aṭanga inṭana Pathian ang Kaldaiho thuruk chauha lo hiala invuahna a kaw k, Setana lang, an hming serh a ni. thawh ang zela dawna Kaldai hawrawp chuan letter inbumna lam a hawi. cf. li a ni STUP tih a ni. Kaldai 2Thessalonika 2:1-12. ṭawng hian S=60, T=400, U=6, R=200 Belh khawm

Sakawlh leh Nawh-chizuar: chuan Nambar 666 a ni. Thupuan 13:1-18. Chang 18-na, hetah hian finna a awm a Tin, Pope hian thil chhut thiam chuan Sakawlh pawimawh zual bika hman nambar chu chhut rawh se; tur Secret Seal a nei a, a seal- mihring namber a ni a, chu ah chuan DUXCILERI tih a ni, chu chu Puithiam lalber pa nambar chu 666 a ni e. ni, chu chu Puithiam lalber tihna a ni. Roman Nambar NKJV. Hei hi Sakawlh sorkar Latin-a chhutin D=500, hriatna tur a ni. U=5, X=10, C=100, E=0,

Hislop-a sawi dan — R=0, I=1, belh-khawmin

666 a ni (?) A awmzia chu Rom Pope chu a ni tih a hriat mai awm e. Pope pawh hliam a nih kha. A chhinchhiahna neih dan thu behchhan a nei lova, a thu awihna hi a chhinchhiahna kut leh chala chhinchhiahna a ni ang. Rom 6:16 “An thu awih tura in intukluhna apiang bawihah in tel lut nghal tih in hre lo em ni?” a lo tih ang hian. Hei hi Bible-in Sakawlh a tih tak chuan a kawk a, tin, mihring lam chuan Kristian-te tiduhdaha sawisatu Sawrkar apiang hi Sakawlh kan ti ve mai bawk.

Nawhchizuar: Thupuan 17:1-16 thu zulin i sawi teh ang: Nawhchi zuar chu Deut 23:17. Israel fate zingah sakhaw thila nawhchizuar an awm tur a ni lo, a lo ti tawh bawk.

Chalah Thuruk, “Babulon ropui, nawhchizuar nu, khawvel tenawmna Nu,” tih a chuang. Mi thianghlimte thisena leh Yeshua martarte thisena rui nu phut ka hmu tih a ni. Chu hmeichhe thut-

na chu tlang sarih an ni. Hetah hian rilrua fin thiam a tulzia a lang. Lu sarihte chu hmeichhe thutna tlang sarihte chu an ni. Israel leh Kohhran tiduhdahtu Sawrkarte chu — 1. Aigupta 2. Asuria 3. Babulon 4. Medo-Persia 5. Grik 6. Pagan Rom 7. Papal Rom te an ni. Lal pasarihte an ni bawk a, Patmos-a Johanan a hmuh lai lal khan pangate — Aigupta, Assuria, Babulon, Medo-Persia, Grik te an liam tawh a, pakhat chu (Pagan Rom) a la awm a, pakhat erawh chu a la awm rih lo, chu chu Papal Rom a ni.

Sakawlh awm tawh zeta awm leh ta lo a tih kha Papal Rom lo awm tur a ni, bung dangah Sakawlh hliam a tih kha a ni.

Sakawlh awm tawh zeta awm leh ta lova/hliam ngei pawh kha a pariatna a ni a, pasarih zinga mi, Papal Rom bawk kha a ni nghe nghe, a pariatna a ni bawk.

Ki sawmte kha Johanan a (*Chhunzawmna phok 27-naah*)

MISSION RAWNGBAWLNA



Pastor
Naresh Hembrom



Pastor
Haggai Basumatary

Lalpa min hmangaihna thu kengin Odisha State-a district hrang hrang palia khaw pasarihah rawng ka bawl a. Khaw thenkhat chu South Africa rama thing-tlang khuate ang mai an la ni ber e – dawivaih thil hmang pawh an la awm. Ramhuai bia leh ramhuai thlarau tih lam pawh la hluar tak a ni. An khawsakna hmun hmaah te hian chet-chhiat a awl hle. Hmasang nun an la vawng a, tunlaia finna leh thiamna lamin a la bawh eng lo hle. Khaw thenkhat erawh chu an leikang ve hret, tlema hmasawanna an nei. Heng hmuna mi thenkhat ka tawh te zingah SDA members an awm a, tin, Hinduism sakhaw vuan an ni tlangpui.

An hnenah Lalpa Yeshua Messia thuchah dik leh Chanchin Tha ka hrilh a, mi thenkhat, mi 25 vel chu rinna kawngah ka hmin thei, ka kal nawn leh hun tur March 2024-ah baptisma an chang ang. Bro. Narasingh Leyangi hi Odisha-a min chhawmdawltu tangkai tak a ni, tawng lehlin lamah min pui a, hengho hnena thu ka puan theihna chhan a ni. Amah hrim hrim hi hna thawkrim, Kohhran tana mi rinawm a ni. Hmun ralti taka rawngbawlna ka neih hnua him taka ka kir leh theih avangin, Pathian hnenah lawmthu ka thlen a ni. Nangniho hnenah pawh Pathian awmpuina lo thleng belh zel rawh se.

Pastor Haggai Basumatari

SUNNA



R. Laltanpuia (Vala)

A chanchin tlangpui: Pu R. Laltanpuia (Vala) hi April ni 20 kum 1971-ah Bazar Veng, Lungleiah Biaksanga leh Hranghnuaii te inkarah a lo piang a. Unau 9 zinga mipa awmchhun a ni. Amah hi an unau zinga naupang ber dawttu a ni. Kum 1995-ah a nupui Lalnuntluangi (Pi Mamui) nen innein fa pathum an nei a, chungte chu — R. Lalremruata, Jacob R. Lalmuanpuia leh R. Lalbiakdiki te an ni. An fapa upa ber hian nupui, Lalhmingmawii Ralte neiin fa pakhat, Mikayla Lalrinpuii Rivung an nei tawh a ni.

Vala pianpui unaute chu hengte hi an ni :

1. Biakhnuni
w/o C. Lalmalsawma
2. Vanlalnghaki
w/o Ramliana Ralte
3. Laltlanthangi
4. Lalhlimpuii
w/o H. Lalmuankima
5. Lalengzami
6. Laldinpuii
w/o Lalthluma
7. Lalramhluni
8. R. Laltanpuia
h/o Lalnuntluangi
9. Vanlalsawmi

Pu Vala hi mi tlawmngai tak niin, a thatlai hian thlan laihnaah pawh a tleirawl lai atangin a theih chin chinah a tel hram hram thin a ni. A nupui fanaute leh mi dangte laka ngaihdam dil tula a hriatnaah pawh dil hreh lo mi niin tu chungah pawh pawisawi hlau mi tak a ni bawh. Mi tawng tam lo niin, hmangaihna erawh mi dangte chungah a phak tawka lan chhuahtir hreh

lo, naupang ngaina tak mi niin naupang kilkawi nei reng mi a ni a, ṭawngkam a thiam loh luatah hian mi pawh sawi te pawh anei nualin kan ring a, lo hriat-sak reng lo a, min lo theih-nghilhsak hram turin kan inngen a ni.

A nat dan : Kum 2021 February thla, Covid hlauhawn zual lai aṭang khan chaw helh a ching ṭan a, April-ah inentirin biopsy leh endoscopy te lain May-ah chaw kawng cancer hmuh chhuah a ni. July aṭanga December thla chhung Lungleiah thla tin chemo lak niin 2022 Feb – April-ah Guwahati-ah radiation ti turin an kal a. Radiation tih zawhah Lungleiah chemo vawi 12 lak turah vawi 8 lak a ni a, a bak chu taksain a fit loh deuh avangin lak chhonzawm a ni ta lo. Kumin 2023, March aṭangin nawm tak tak nei thei tawh

loin, typhoid, Hb hniam leh thisen pek ngaiten a awm a, a natnate Doctor-te hrilhin Doctor-te thurawn angin in lamah dam-dawia enkawl chhonzawm zel a ni a. Duat tak leh duhsak taka enkawl chhoh a nih mek laiin a natna hian a taksa hneh chho zelin tlin loh chin a lo awm ta a. A nupui fanaute leh u leh naute la thlakhlelh em em laiin September 29, 2023 zing dar 6-ah Thawhleha hmasaa tho leh turin a muhil ta a ni.

Pathian thu lama amah lo kaihruai ṭhintu, hun rei tak an bialtu lo ni tawh vuitu tura a duh ang ngeiin Pastor HC Zosanga'n thlamuanna thu sawiin a vui a. Thlan lamah bialtu Pastor Robert Malsawmsanga'n ṭawngṭaiin a thlah liam ta a ni.

Khawhar chhungte Lalpan thlamuanin awmpui zel rawh se.